



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

84.092

9-756

89 1092 7530.

8, - 756

8/2 9/2

10/27 - 10/27 21/8/84

11/2/78 20/7/85

28/80

24/81

15/2/85

21/11/81

479

8/1/82 p 67

22 MAY 2000

92[2015]

35-59

ՀՐԱՏԱՐԱՎԵՑ Տ. ՆՈՒՐ.

# ԷՄԻԼ ԶՕԼԱ

ՆՐԱ ԿԵԱՆՔԸ ԵՒ ԳՐԱԿԱՆ ԳՈՐԾՈՒՆԷՈՒԹԻՒՆԸ

(Համառօտ հանրամատչելի տեսութիւն)

Կազմեց Յարութիւն Եսայեան

Բ Ա Ք Ո Ւ  
Տարաւն Ս. Անտօնեանի  
1903

19 NOV 2010

Միջազգայն Կ. Նի - Ա. Յախարաբաբաբ

84.092

2-756

Ար.

Նրբաբաբ

# ԷՄԻԼ ԶՕԼԱ

31 Ապրիլ 1903

Մ. Մ. Մ.

ՆԱԸ ԿԱՆՆԻՔԸ ԵՒ ԳՐԱԿԱՆ ԳՈՐԾՈՒՆԷՈՒԹՅՈՒՆԸ

(Համառօտ հանրամատչելի տեսութիւն)

Կազմեց Յարութիւն Եսայեան

ՀՐԱՏԱՐԱԿԵՑ Տ. ՆՈՒՐ:



1002  
7530

Բ Ա Ք Ո Ւ

Տպարան Ա. Անտօնեանի

1903

Даволено Цензурою. Тифлисъ, 11 Января 1903 г.

## ԷՄԻԼ ԶՕԼԱ



XIX-րդ դարու եւրոպական գրականութեան հորիզոնի վրայ ամենափայլուն աստղերից մէկն էր Էմիլ Զօլան, որ ոգով և մարմնով նատուրալիստ էր, և որ իւր մեծ տաղանդով ու զօրեղ գրչով պարագլուխ հանդիսացաւ նատուրալիզմ ուղղութեան, որի հիմքերը դրել էին Բալզակ, Ֆլորբեր, Գոնկուար եղբայրներն և յետոյ Զօլան շնորհիւ իւր մանրագննին ու թափանցիկ խելքի, բարձրացրեց այդ հիմքերը և կառուցեց նատուրալիզմի վիթխարի ամրոցը: Զըլինէր Զօլան, նատուրալիզմը այդչափ մեծ քայլեր չէր անի և գուցէ չքանար իւր սաղմերի մէջ: Էմիլ Զօլան միայն իբրև մարտնչոյ ու յեղաշրջոյ մի մեծ ոյժ, մարտնչելով ժամանակակից գրականական հասանքների հետ և յաղթելով հազարաւոր որոգայթների, որ լարուում էին նրա հակառակ կուտակիցների կողմից, յեղաշրջեց գրականութիւնը, հիմնելով նատուրալիզմը:

Էմիլ Զօլան ծնուել է Փարիզում 1840 թ. Ապրիլի 2-ին: Նրա հայրը՝ իտալացի Փրանսուան, վերին աստիճանի աշխատասէր և գործնական մարդ էր:

Նա յաճախ ճանապարհորդում էր զանազան տեղեր, ծանօթանում գործնական կեանքի հետ, փորձուում, սովորում և պաշտօններ վարում: Փարիզի մօտակայ գիւղաքաղաքի՝ Էքսի համար, նա ձեռնարկում է ջր-րանցք անցկացնել, որի պատճառով մեծ գիւմադրութեանց է հանդիպում խաւարամիտ բնակիչների կողմից: Ջրանցքը չը վերջացած, Փրանսուան վախճանում է, թողնելով փոքրիկ Էմիլին հօթ տարեկան հասակում: Մահուանից յետոյ, բացի տան շրեղ կահ-կարասիքից, ուրիշ ոչ մի նիւթական չը մնաց գրծ-բախտ ընտանիքի համար:

Ընտանիքի միակ յոյսն ու մխիթարանքը մնաց Էմիլը, որի կրթութեան մասին դեռ մտածող չը կար. նա վայելում էր լիակատար ազատութիւն: Զուտով նրան տուին Իգօարի «Աստուածամօր պանսիօնը», որտեղ նոյնպէս ազատութիւնն էր մեթողը: Երբ ուզում էր Էմիլը, դաս էր պատրաստում, երբ ցանկութիւն չունէր սովորելու, խաղում էր այգում: Այդ տեղից նրան տուին Կօլլէզ, որտեղ նա սկզբում ցոյց տուեց մեծ յառաջադիմութիւն և ստացաւ մի բանի մրցանակներ: Այստեղ նա ունեցաւ երկու մտերիմ ընկերներ, Սեզան և Բայլ անունով, որոնց հետ թէ դասեր էր պատրաստում և թէ զանազան նամակա-գրութեանց և շարագրութեանց մէջ մտնում. նրանք յաճախ քաղաքից դուրս ճանապարհորդութիւններ էին կատարում Էքսի կողմերում, որոնց ժամանակ նրանք ծանօթանում և հրճուում էին բնութեան հրա-

շալիքներով, կարգում էին իւրեանց հետ վերցրած գրքերը, առաւելապէս Հիւզոյի և Միւսսէի գրուած-րները:

Էմիլի ընտանեկան դրութիւնն հետզհետէ վա-տանում էր: Այն ամեն տան իրերը, ինչ որ կարելի էր վաճառել, ծախել էին և կերակրուել: Ապրուստի աղբիւրը բոլորովին կտրուած էր: Զուտով մեռաւ և Էմիլի մեծ մայրը: Մայրը այս դէպքից յետոյ վերա-դարձաւ Փարիզ, յոյս ունենալով ամուսնու կողմնա-կիցներից հասանելիքներ ստանալու: Էմիլն էլ փոքր ինչ յետոյ մօր կոչով եկաւ Փարիզ, թողնելով Կօլ-լէզը: Ահա այս ժամանակներից առաջ է գալիս Է-միլի մէջ գրական ոգի, նա սկսում է շարագրու-թիւններ գրել, նամակներ ուղարկել իւր ընկերնե-րին. այս գրուածքների մէջ արդէն երևան են գալիս գրողի ձիրքերն ու յատկութիւններն:

Սկզբում նա սիրում էր ոտանաւորներ գրել, բայց շուտով թողեց պօէզիան և նուիրուեց պրօ-զային: Փարիզում նա մտաւ ճեմարան, որտեղ դաս-սաւանդուում էր և հռետորութիւն:

Քայց ճեմարանը իւր միտադադադ և ծանր աշ-խատանքներով նրան մի «բանտ» թուաց և աւար-տելով հռետորութիւնը, միանգամից բարձր կուրսե-րի քննութիւն տուեց: Քայց գծրախտաբար նրան շտուկն դիպում:

Էմիլ Զօլան ամառն գալով Էքս իւր ընկերների՝ Սեզանի և Բայլի մօտ, հանգստացաւ ծանր աշխա-

տանքներէց, և վերագառնալով քաղաք, վճռեց կըրկին քննութիւն տալ վկայական ստանալու համար: Այս անգամ էլ նա վատ քննութիւն տուեց: Այնուհետև ընտանեկան նեղ գրութիւնն ստիպեց նրան վնտրել ֆիզիքական աշխատանք, ապրուստ հայթհայթելու համար: Նա որոշեց մտնել տալարան իբր գրաշար: Այդտեղ նա ստացաւ 60 ֆրանկ վարձ: Բայց երկար չը կարողացաւ մնալ և վախճելով տալարանից սկսեց թափառական կեանք վարել և միևնոյն ժամանակ գրում էր զանազան նիւթեր: Փոքր ինչ անց նա մտաւ յայտնի հրատարակիչ Աշէտի մօտ պաշտօնի ամսական 100 ֆրանկ ուճիկով:

Այս ժամանակներում նա գրեց առաջին պիէսը «Սիրային կօմեդիա» խորագրով, ապա «Ժեղճերի քոյր», «Կլօգի խոստովանանքը» և ուրիշները: Աշէտի մօտ աշխատելով հանդերձ, Զօլան աշխատակցում էր զանազան թերթերի, առաւելապէս «Հասարակական բարեխառութեան» թերթին: Նա սկսում է քննադատութիւններ գրել Հիւգօյի, Գօնկուր եղբայների և այլոց մասին: Սկսում է հետեւել Բալզակի և Ֆլորբերի ուղղութեան: Ընտրով Զօլան հեռացաւ Աշէտի մօտից և սկսեց պարապել միմիայն գրականութեամբ: Նա երևան եկաւ և իբրև գրամատուրգ, գրելով առաջին անգամ „Գէշ“ („Laidé“), փոքր ինչ յետոյ էլ նա դարձաւ „Evénement“ ամենօրեայ թերթի աշխատակից և քրօնիկիօր, որտեղ նա գրում էր հետաքրքիր յօդուածներ և որոնց համար ամսական ստանում էր 500 ֆրանկ:

Այս մեծ յաջողութիւնից յետոյ ինչ-ինչ պատճառներով Զօլան թողնում է „Evénement“ լրագիրը և աշխատակցում է ուրիշներին: Հետզհետէ առաջ են դալիս նրան թշնամիներ գրած յօդուածների պատճառով: Ահա այս մանր մունր գրական փորձերը զարգացրին նրա մէջ բնականից էլ եղած գրելու արուեստն ու տաղանդը: Նա իրեն նուիրեց գրականութեան և սկսեց պարապել ինքնակրթութեամբ միևնոյն ժամանակ ուշի ուշով հետեւելով ժամանակակից գրականական շարժմանը: >

XIX դարը գրականական աշխարհի „մեծ շարժման“ դարն է, երբ գրականութեան մէջ մտան յեղաշրջող նոր հոսանքներ և ղեկավար ունենալով տաղանդներ ու հանճարներ, իրենց ընթանցքի մէջ առան շատ գրողների:

XIX դարում գրականական նոր ուղղութիւններից առաջինն էր բօմանտիզմը, որ յանձին Վիկտօր Հիւգօյի իր գազաթնակէտին հասաւ: Մինչև Հիւգօն և մասամբ նրա ժամանակ „կեղծ կլասիքական“ գրուածքներով հեղեղում էր Եւրոպայի գրականութիւնը: Այդ գրուածքներն իրենց կեղծ ու շինծու տիպերով, անբնական հոգեբանութեամբ, խառն իդէալներով, իրակոնից ու ժողովրդի երևակայութիւնից դուրս բովանդակութեամբ, անմատչելի էին մնում հասարակութան ստորին և միջին խաւերին: Բայց մի բան, որ ընդհանրութեանը մերձենալի չէ, պի-



տանի չէ, բնականաբար պէտք է վերջ ի վերջոյ հեռանայ ասպարիզից, տապալուի: Առաջ եկան նոր գրողներ, որոնք զգալով հին, փտած ուղղութեան անպիտանութիւնը, շեղեցին իրենց ընթացքը և սկսեցին գրել նոր ուղղութեամբ, որով աւելի բնականին մօտեցան վէպերի նիւթերն ու տիպերը, և հետևաբար ժողովրդին. էլ հասկանալի ու հետաքրքիր:

Րօմանտիզմը, որի հայրը Հիւգօն էր, մի այնպիսի ուղղութիւն էր, որ թէև հեռացել էր կեղծ կլասիքականից, բայց այնուամենայնիւ, դեռ շատ հեռու էր իրական կեանքից: Րօմանտիզմը հիմնուած էր գլխաւորապէս երեակայական աշխարհի վրայ: Այդ ուղղութեամբ գրողի համար հարկաւոր էր վառ ֆանտազիա, որպէս զի սլանայ հեռու, հեռու մի նոր ցանկալի աշխարհ, որտեղ մարդիկ աւելի լաւ յատկութիւններ ունենային, բնութիւնն իւր հազարաւոր տեսարաններով աւելի գեղեցիկ լինէր: Եւ որքան վառ ֆանտազիայ ունէր գրողն, այնքան մեծ էին նորա մտքի թռիչքներն, այնքան բարդ ու շինծու, և ըզհակառակն: Այդպիսով գրուածքն ամբողջովին արտադրութիւն էր հեղինակի մտքերի, երեակայութեան ու իդէերի ձուլմունքին: Չատ պարզ է, որ այսպիսի գրուածքները կը լինին սուրբեկտիւ և հեղինակի ետը կը լինի գրքի ծուծը:

Վիկտոր Հիւգօն՝ Րօմանտիզմի պարագլուխը, իր անսանձ երեակայութեամբ, իր հանճարով և

զօրեղ գրչով նուաճեց ժամանակակից շատ մտքեր և հիմնեց Րօմանտիզմի դպրոցը, բայց միւս կողմից աննկատելի կերպով գլուխ էր բարձրացնում մի նոր ուղղութիւն, որ պիտի տապալէր Հիւգօյի դպրոցը:

Դա նատուրալիզմն էր:

Քաղաքակրթութիւնը, կուլտուրան և գիտութիւնը առաջ գնալով փոխում են մարդու արտաքին և ներքին աշխարհների պայմանները, նորանոր փաստեր տալիս, հինը՝ անհասկանալին պարզում մեզ: Եւ ահա փոխուելով ֆիզիքական ու մտաւոր դրութիւնները, փոխուում էին ստեղծած ու սահմանած մտաւոր կեանքի պայմանները: Բարդը, անհասկանալին, վարագուրածը պէտք է պարզուին հասարակութիւն կազմող իւրաքանչիւր անհատի համար:

Հիւգօն արդէն ընդլայնել էր գործունէութիւնը, շատ հետևողներ գտել, երբ նրան ախոյեան հանդիսացաւ Բալզակը: Սա հիմնեց մի նոր դպրոց, նոր շկօլա, որ հիմնովին տապալեց Հիւգօյի շկօլան: Նա սնուելով, մեծանալով կեանքի բազմազան պայմանների մէջ, թափանցեց աւելի խոր ժողովրդի մտքի ու հոգու մէջ և գտաւ այն մեծ դազանիքը, որ ժամանակակից գրականութիւնն ընդհանրութեան մտաւոր քաղցի յագնեցնող սնունդ չէր: Նա կարգալով Հիւգօյի գրուածքները և համեմատելով իրական կեանքի հետ, գտաւ մեծ տարբերութիւն և ահա ինքն իւր կողմից վերցրեց գրիչն ու սկսեց գրել Հիւգօյի հակառակ՝ նոր ուղղութեամբ—նա-

տուրալիստական ոգով: Նա սկսեց ուսումնասիրել ժողովրդի կեանքը, մտնելով նրա խաւերի մէջ, ուսումնասիրել իրականը. այդպիսով հաւաքեց իւր համար գրելու պաշար, որից արտագրեց վէպեր և պատկերներ. նրա գրուածքները սուբեկտիւ էին, որովհետև ինքն համարեան ամեն վէպի ու պատկերների մէջ երևան է գալիս քօղարկուած կերպով: Իսկ նրա յետագաներն, ընդհակառակն, աշխատում էին լինել օբեկտիւ գրող: Բայց Բալզակի վերաբերմամբ այն թերի կողմը չը պէտք է համարել, որովհետև նա գրական ասպարիզի ամենամեծ հերոսը դարձաւ, հիմք դնելով նատուրալիզմի, որի սկզբունքները կազմում էին իրական կեանքը և նրան ուսումնասիրելը դիտելով ու փորձելով:

Բալզակի յաջորդը՝ Ֆլորբեր, աւելի առաջ անցաւ: Ֆլորբերը լինելով բժշկի որդի, հետաքրքրուելով բժշկականութեամբ, ուսումնասիրեց մարդու կազմուածքը, ուղեղը, ջղերը և այնուհետև իր գրուածքներում մարդուն ներկայացնում էր իր նօրմալ գրութեան մէջ, առանց նրան իդէալացնելու, բարձրացնելու իրական գրութիւնից: Բացի այդ նա աշխատեց հեղինակին դնել օբեկտիւ գրութեան մէջ, առանց կարծիքներ յայտնելու և բացականչութիւններ անելու վէպի ընթացքում. և այդ շատ յաջողուեց Ֆլորբերին, մանաւանդ իր «Տիկին Բովարին» վէպում: Ապա նշանաւոր են Փօնկուր եղբայրները, որոնք նա-

տուրալիզմին տուին լաւ ոճի և գեղարուեստական նկարագրութեան արուեստները:

Համարեա թէ նատուրալիզմի հոյը պատրաստ էր, որ ահա երևան եկաւ Էմիլ Զօլան: Սա ունէր բոլոր այն յատկութիւնները, ինչ որ պէտք է ունենայ նատուրալիստ գրողը: Բայց Զօլան իր նախորդներից աւելի մեծ հերոս հանդիսացաւ իբրև վիպասան: Նա աւելի մանրագնինի կերպով ուսումնասիրեց շրջապատող կեանքը, մթնոլորտը, մարդկանց, նրանց յարաբերութիւնները, չ'զլանալով հանդերձ որոշ նպատակի համար մտնել այդ նպատակին համապատասխան գրութեան մէջ:

Զօլան հանճար էր և տաղանդ: Նրա գրիչն ամենակարող էր: Նա, մտնելով գրական ասպարէզ, սկսեց անընդհատ աշխատել, գրել, կեանքի բազմազան և խրթին կողմերն արտացոլելով իր գրուածքների մէջ: Նա անաչառ և անխտիր կերպով նկարագրում էր անհող հաստուղեղ ու հաստափոր բուրժուազին, որ բացի իր ետական բաւականութիւններից, ոչնչի մասին չէր մտածում. Զօլան ներկայացնում էր բարոյական անկման ամենավերջին կէտին կանգնած բանաւորին ու պոռնիկացած կանանց. նա յայտնի է կացուցանում ֆրանսիական «կրթուած գողերի ու աւագակներին» սխրագործութիւններն, խաբելը, յափշտակելը, որսալը: Նա ոչ ոքից չէր վախենում, չէր կարմրում, այլ իր ներքին ձայնի գրգմամբ, իր խոր համոզմունքով, անխնտիր

կերպով գրչի տակ ձգելով ուսումնասիրած շրջանն իր գրական ու բացասական հերոսներով: Զօլան ծանօթացաւ ռուս յայտնի գրող Տուրգենևիի հետ, որի միջնորդութեամբ դարձաւ ռուսաց «Вѣстникъ Европы» ամսագրի աշխատակից 1870—1880 թիւը, գրելով «Պարիզեան նամակներ», որոնցով նա աշխատում էր նատուրալիզմը պարզաբանել: )

Զօլան աշխատեց բացատրել ու լրացնել իւր բանաստեղծական—գեղարուեստական գրչով զանազան թէօրաներ, որոնցից առաւելապէս կանգ է առել ժառանգականութեան օրէնքի վրայ: Նա աշխատում, պարզ կերպով ցոյց է տալիս մարդու հոգեկան ու ֆիզիքական յատկութեանց ազդեցութիւնը նրա ազգայ սերնդի վրայ: Այդ նիւթի վերաբերմամբ նա գրել է Ռուզօն Մակկարների 20 հատորները, որ մի բարդ և վիթխարի գրական գործ է, որը միայն Զօլայի կարող գրիչն արտադրեց. բոլոր հատորների հիմնաբարը՝ հերոսին Ադելայիզա—Ֆուքսն է որ խելացնոր, նեարգային կլին էր, նա ամուսնանում է 2 անգամ: Եւ ահա Զօլան մեծ հմտութեամբ հետևում է այս ամուսնութիւններով սիրած սերունդներին, տալով նրանց մանրմասն հոգեբանութիւնը, շրջապատող հանգամանքները, կրած ազդեցութիւնները. պահպանելով մի ընդհանուր կապ և բացատրելով ու լուսարանելով ժառանգականութեան օրէնքը:

Միւս գրուածքներում աշխատում է բացատրել

միւս դպացմանց օրէնքները, օրինակ սիրոյ զգացմունքը, որը Զօլան համարում է սեռական օրգանների հատունացած գրութեանց հետևանք, զարգացման տարբեր աստիճանների: Մակայն սիրոյ էութիւնը նոյնքան խորագննին է և անբմբունելի, որ Զօլան էլ չը կարողացաւ վերջնական վճիռ տալ սիրոյ վերաբերմամբ: Բայց որովհետև մեր նպատակն է համառօտ ու ամփոփ տեղեկութիւն տալ գրքոյկիս հերոսների մասին, ուստի կարճ ենք կըտրում Զօլայի գրական նշանակութեան մասին, քանի որ կարելի է ահագին հատորներ գրել նրա խոր փիլիսոփայութեանց ու հանճարի մասին:


Էմիլ Զօլան ունի անթիւ գրուածքներ, որոնք տասնեակ անգամ տպագրուել ու հարիւր հազարներով տարածուել են աշխարհիս ամեն կողմերը: Նրա դեռ սկզբնական գրուածքները լոյս տեսան 1864 թուին հեքիաթներ Նինօնին (Contes à Ninon) վերնագրով: 1867-ին հրատարակեց «Thérèse Raquin» վէպը, որ հալածուեց հակակուսակիցներից: 1877-ին լոյս տեսաւ Զօլայի «Assommoir» վէպը, որի մէջ նոյնպէս պարզօրէն երևան եկան հեղինակի տաղանդը: Նշանաւոր են «Նանա»—Nana, (1880 թ.), «Պարիզի Որովայնը»—La Ventre de Paris, (1873 թ.), Նորին «Գերազանցութիւն էօթէն Րուզօն» (1876 թ.), «Միրոյ մի էջ» (1878 թ.), «Պտուկը»—Pot-Bouille (1882 թ.), «Ապրելու ուրախութիւնը» (1883 թ.), «Ժէրմինալ» (1885 թ.), «Եր-

կիրը» (1888 թ.), «Մարդ-Քաղանը» (1890 թ.), «Դրամը» (1891 թ.), «Աղէտը» — Le Débâcle (1892 թ.), «Դօքտօր Պասկար» (1893 թ.): Զօլայի վերջին աշխատութիւնները կազմում էին — Բեզմնաւորութիւն, Աշխատութիւն և Ազատութիւն, որոնցից առաջին երկուսը հրատարակվեցին 1890 և 1891 թ. երրորդը նոր էր սկսել հրատարակվել, իսկ չորրորդը բոլորովին չի լոյս տեսել: Եւ ուրիշ շատ մեծ ու փոքր գրուածքներ, պատկերներ հասարակական կեանքից, որոնցից իւրաքանչիւրի մէջ փիլիսոփայօրէն տքնում է բացատրել զանազան հոգեկան գրութիւնները:

Այսպիսով Զօլան բարձրացրեց նատուրալիզմը փառքի գազաթնակէտին, բարձրանալով միաժամանակ և ինքը՝ իբրև հանճար. նրա գրուածքները տամնեակ հազարներով տարածուեցան աշխարհիս շորս կողմը. թարգմանուեցան բոլոր լեզուներով, մուտք գործեցին ամեն մի կարգացող մարդու տանը:

Եւ դեռ շատ պտուղներ կը տար նրա բեզմնաւոր ուղեղը, բայց ի մեծ ցաւ գրականութեան, 1902 թ. սեպտեմբերի 16-ին. Զօլան կնքեց իւր մահկանացուն, յիշատակ թողնելով գրականութեան ասպարիզի վրայ կանգնեցրած մի ամենի արձան՝ որպէս փիլիսոփայի ու մեծ պատմաբանի:





ԳԻՆՆ Է 5 ԿՈՊ.

ՀՀ Ազգային գրադարան



NL0317321

